



**USAID**  
OD AMERIČKOG NARODA

PROJEKAT PRAVOSUĐA  
U BOSNI I HERCEGOVINI



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



## POZIV NA KONSULTATIVNI SASTANAK

povodom

**Analize sistema angažovanja vještaka u krivičnom postupku, sa fokusom na predmete  
privrednog kriminala i korupcije**

**5.4.2017. godine**

**Hotel „Europe“ Sarajevo**

Poštovani,

USAID-ov Projekat pravosuđa u Bosni i Hercegovini (Projekat pravosuđa), u saradnji sa Stalnom komisijom za efikasnost tužilaštava Visokog sudskog i tužilačkog vijeća BiH, organizuje konsultativni sastanak o preliminarnim nalazima i preporukama **Analize sistema angažovanja vještaka u krivičnom postupku, sa fokusom na predmete privrednog kriminala i korupcije**, koji će se održati dana 5.4.2017. godine u Hotelu „Europe“ u Sarajevu, od 10:00 do 15:00 sati.

Stalna komisija za efikasnost tužilaštava VSTV-a BiH kontinuirano prati stanje u tužilaštvima, te razmatra reformske i strateške aktivnosti usmjerene na unapređenje njihovog rada. Projekat pravosuđa je pristupio izradi ove Analize u okviru širih napora na jačanju vladavine prava u Bosni i Hercegovini (BiH), pružanja podrške VSTV-u BiH i osposobljavanju pravosudnih institucija, posebno tužilaštava, za efikasniju borbu protiv korupcije i drugih teških oblika kriminala.

Važan aspekt u osiguranju efikasnog optuženja i procesuiranja počilaca krivičnih djela jeste efikasan sistem angažmana i korištenja vještaka, posebno u složenim predmetima privrednog kriminala i korupcije. Jedan od najvažnijih razloga za izradu Analize je činjenica da postojeći sistem angažmana i korištenja vještaka i prakse u velikoj mjeri doprinose usporavanju krivičnih postupaka, a uočen je i problem osiguranja i kontrole kvaliteta provođenja vještačenja, te izlaganja mišljenja i nalaza vještaka kao dokaza pred sudom, kao i mehanizama osiguranja i kontrole integriteta vještaka u toku cijelog postupka.

Ova, i još mnoga druga pitanja identifikovana su kroz izradu Analize sistema angažovanja vještaka u krivičnom postupku, sa fokusom na predmete privrednog kriminala i korupcije. Budući da je uloga vještaka u dokazivanju ove vrste kriminala nezamjenjiva, Analiza će, uz identifikaciju otvorenih pitanja i izazova, ponuditi i preliminarne preporuke o tome kako unaprijediti ovaj sistem. S obzirom da će Analiza na određeni način predstavljati direktnu refleksiju trenutnih stavova stručne zajednice, tj. šireg kruga subjekata koji u svom radu imaju dužnost da učestvuju u procesu angažmana, kontrole ili provedbe vještačenja, veoma je važno prikupiti mišljenja svih relevantnih subjekata kako bi se osigurala vjerodostojnost nalaza i preporuka.

Stoga Vas sa zadovoljstvom pozivamo da prisustvujete konsultativnom sastanku, jer će Vaše učešće i doprinos u razmatranju preliminarnih nalaza i preporuka ove Analize pružiti dodatni kvalitet i pomoći u finaliziranju ovog dokumenta. Pozive za učešće na ovom sastanku uputili smo predstavnicima Visokog sudskog i tužilačkog vijeća BiH, entitetskim ministarstvima pravde, Pravosudnoj komisiji Brčko Distrikta



**USAID**  
OD AMERIČKOG NARODA

PROJEKAT PRAVOSUĐA  
U BOSNI I HERCEGOVINI



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



BiH, komisijama za imenovanje vještaka, tužilaštvima, vještacima i predstavnicima njihovih udruženja i nezavisnim ekspertima.

Za učesnike koji dolaze van Sarajeva obezbijeđen je smještaj počev od večere 4.7.2017. godine u hotelu „Astra Garni“, Sarajevo. Također, Projekat pravosuđa je u mogućnosti obezbijediti refundaciju troškova putovanja za učesnike koji dolaze privatnim automobilom izvan Sarajeva. U prilogu dostavljamo Dnevni red i radni dokument za diskusiju na Konsultativnom sastanku. Ljubazno molimo da nam dostavite povratnu informaciju i potvrdu učešća Muhamedu Sušiću na email: [Muhamed.Susic@usaidjp.ba](mailto:Muhamed.Susic@usaidjp.ba), tel: 033 219 688, najkasnije do 3.4.2017. godine, kao i da nas informišete o tome da li će Vam biti potrebno obezbijediti noćenje, odnosno da li je potrebno izvršiti refundaciju troškova putovanja.

S poštovanjem,

*za* Biljana Potparić

direktorica Projekta pravosuđa

Jadranka Lokmić Misirača

predsjedavajuća

Stalne komisije za efikasnost tužilaštava